

A ghjallina

Eiu avia una ghjallina
Chi facia ogni matina
Un bellu ovu
Ava sò quindecì ghjorni
Ch'eo la cercu in sti cuntorni
E chi ùn la trouu.

Eiu ci pensu mane è sera
A la mio ghjallina bianca
Capinera
Chi venia à manghjà in manu
Granone, orzu è granu
E risella.

Sò falatu in pullinaghju
E ne aghju custattatu
Custattatu
Chi lu ghjallu più nun mangha
Da quantu ch'ellu si lagna
Addisperatu.

Si la volpa hè l'assassina
Di sta povera ghjallina,
Ch'ella morga
Ch'ella vaca à malafine
Cun tuttu lu so razzinu
In una borga.

S'ella hè stata a billulaccia
Chi li hà suchjatu lu sangue
Ch'ella crepi
Ch'ella sbattuleghji l'anca
A u pede d'una ficaccia
Senza preti.

S'ellu hè statu u falchettu

Chi un colpu di scuppettu
Lu sfracelli
Ch'ellu vaca a malafine
U nemicu di e ghjalline
E di l'ocelli.

Si per una surpacciata
Capinera fù arrubata
Fia prò
Chi per fà un bon'prudettu
A u malatu benedettu
Chi a manghjò.

In tantu chi a mè ghjallina
Mi facia ogni matina
Un bellu ovu
Ava sò quindeci ghjorni bis
Ch'eo la cercu in sti cuntorni
E chi ùn la trouu.

Esse.